

欽定中樞政考

欽定中樞政考目錄卷之三十一

八旗

兵制

挑補前鋒

挑補護軍

挑補親軍

挑補領催

挑補馬甲

考取在旗候補微員及由捐納貢監生考中

舉人副榜准其挑甲

革職降調官員革退兵部准挑護軍馬甲

挑補步軍

挑補養育兵

挑取拜唐阿

挑補弓匠

挑補鐵匠

挑補礮手

挑補擡鹿角兵

挑補護軍前鋒馬甲等缺卽閒散等皆准

體行名

善撲營不准挑取漢人

回民不准挑充步甲

均齊閒散

分發當差人犯年滿挑差

下五旗公中佐領人等准挑鑲黃正黃正白

三旗差使

挑甲定限

挑差不到

挑補各項錢糧查旗御史秉公查覈

稽察挑補甲兵

造報兵數

看守城門兵數

看守

禁城及倉庫各館官兵

看守

禁門官兵

看守大柵欄官兵

看守

雍和宮官兵

看守

圓明園各處堆撥官兵

看守昆明湖堆撥官兵

行宮設立堆撥

城上堆撥

都統副都統等每月查城次數

城上堆撥按期稽察

街道堆撥

稽查堆撥

齊宮值班官兵

派撥官兵具奏

八旗火班

赴教場挑選官兵

嚴禁私役兵丁

將軍等挑收親丁

步軍統領等官私宅不准擅用步甲

挑補前鋒

一前鋒缺出前鋒統領會同護軍統領於各處所送護軍另戶馬甲拜唐阿養育兵閒散內擇其騎射優嫻者挑補不准指名挑取其親軍內有未滿十年者准挑前鋒過十年者不准挑取若所送之人平常卽行駁回另挑倘該旗該營將騎射優嫻之人隱匿不送該前鋒統領等奏請

欽派大臣會同揀選將隱匿不送之該管大臣叅奏

照例議處例載處分則營伍門

一健銳營前鋒缺出該營大臣於本營本旗委署前鋒內挑補委署前鋒缺出於本營本旗養育兵閒散內挑補如本旗無可挑補之人卽於人多旗分內挑取借補俟借補之人移缺仍歸本旗挑補如本營無可挑補之人移咨京城該旗於馬甲及另戶步軍閒散內挑補亦俟缺出後仍由本營本旗陸續挑補

挑補護軍

一 護軍缺出護軍統領會同都統等於該佐領下另戶馬甲拜唐阿養育兵步軍閒散內挑補若本佐領下無可挑補之人於該叅領下挑補至錫伯人等內有漢仗好者亦准挑補
一

圓明園護軍缺出管理該營大臣於本處本旗養育兵閒散內挑補如本旗無可挑補之人於八旗內通行挑補

挑補親軍

一鑲黃正黃正白三旗親軍及下五旗人附入
鑲黃正黃正白三旗行走之親軍缺出由領
侍衛內大臣於該佐領下護軍領催馬甲養
青兵閒散內挑補如本佐領下不得其人於
該旗內挑補

挑補領催

一領催缺出於本佐領下另戶甲兵閒散內挑取若滿洲蒙古旗分佐領下無可挑取者會同護軍統領於本佐領下識字護軍內挑取如有不應挑取之人挑補者將該佐領驍騎校參領副參領都統副都統分別議處例則
同載處分

則例營門伍

挑補馬甲

一滿洲蒙古漢軍各旗馬甲缺出於本佐領下另戶閒散養育兵步軍人等內驗看騎射挑補如本佐領下不得其人於本叅領下挑補一年老護軍內除應陞護軍校驍騎校人等外有曾經出兵當差日久年已老邁不應陞者護軍統領會同都統驗看准其調補馬甲其年力精壯騎射平庸清語生疎者護軍統領嚴加管教若仍不學習卽革退護軍撥回該

旗挑補步軍俟三年後將能勤習騎射熟諳
清語者准其再行挑補馬甲

考取在旗候補微員及由捐納貢監生考中
舉人副榜准其挑甲

一八旗子弟及各直省駐防內由舉貢生監官
學生義學生考中候補貼寫中書筆帖式庫
使繕本以及各項議敘候補人員內除文職
五品以上武職四品以上現任官員子弟以
及家道殷實者仍不准挑取外其文職六品
以下武職五品以下以及由兵丁子弟考取
議敘各項候補人員內年已及壯並無錢糧

家道赤貧呈請挑補者令該叅佐領確查屬
實出具保結准其挑取馬甲遇有應選之期
仍准補用至八旗子弟內由捐納貢監生等
有情願註銷原捐功名者准其一體挑補報
部查覈如有家道素豐濫行挑補者一經查
出指名叅處

革職降調官員革退兵丁准挑護軍馬甲
一革職旗員有家計艱窘在京八旗願挑護軍
馬甲外省駐防願挑領催馬甲者驗看騎射
准其挑補至革退兵丁內除犯十惡及因軍
務獲罪殺傷人命帶軍器脫逃在外在京八旗
革退兵丁准挑步軍果能奮勉効力步軍統
領咨送該旗驗其騎射始准挑補馬甲駐防
革退兵丁有願披甲者亦准挑補如果改過
行走好者應陞之處准其列名

一自發遣處寬免撤回及自行贖回人等之子
并籍沒家產人等之子有願當護軍馬甲者
驗看騎射准其挑補

一緣事降級調用回旗候補之員有因補缺無
期家計艱窘並無養贍在部呈請註銷候補
情願挑補護軍領催馬甲者准其考驗挑補

挑補步軍

一各

壇

廟該班及九門地安等門北海等處當差步軍九百五十七名缺出於滿洲蒙古正身閒散及養育兵內挑補其餘充當墊道緝捕等項差使之步軍缺出於本佐領下印契白契所買家人發遣減等回京人犯并革退另戶兵丁及革退護軍人等內挑補如本佐領下不敷挑取

於本參領下挑補倘仍有餘缺滿洲蒙古旗分准將本旗漢軍另戶人等挑補其漢軍旗分卽由該旗人等內挑補若係孤寡貧苦並無家人者准借伊親戚家人挑補其養育兵至二十五歲不能騎射革退者亦准挑選俱鈐用佐領圖記送步軍統領衙門挑補若雇典來厯不明作爲白契認買家人永行禁止

挑取

挑補養育兵

一、養育兵缺出除官員之子不准充當外其餘
於本佐領內另戶餘丁十歲以上者挑補如
有不敷將九歲以下之餘丁挑補如係步軍
校閒散雲騎尉驍騎校護軍校筆帖式等微
員之子仍准挑補如本佐領內不得其人於
本叅領內挑補若本叅領內不得其人於該
旗內通行挑補至鰥寡人等之子及貧苦無
倚者不論年歲俱准挑補其革退官職差役

人等除犯重罪外如犯輕罪革退及年老無子或自幼殘廢並無錢糧養贍兼困苦乏嗣者該佐領驍騎校族長等查明出結俱准給與養育兵錢糧以資養贍

一

圓明園健銳營養育兵缺出該管大臣於本處本旗閒散內挑補

一內務府養育兵缺出照八旗之例於挑甲之日該管大臣當堂公同挑補

挑取拜唐阿

一 挑取拜唐阿由在京大臣官員子弟及王公所屬大臣官員子弟內擇其家道殷實將未得差使閒散捐納監生捐納天文生捐納候補筆帖式捐納一切候補小京官考取候補各館謄錄官年十八歲以上者咨送挑選其中式進士舉人副榜貢生廩生生員挑補

內繙書房行走科甲生監考取候補捐納候補及閒散人員

咸安宮官學生國子監官學生恩監生唐古忒俄

羅斯算法等學官學生義學生俱免其送挑

至外任旗員子弟文職自知府以上武職自

副將以上駐防官自副都統以上除不准挑

阿哥等哈哈珠子外俟及年歲時亦送京挑選

拜唐阿如止有一子者准留任所二三子者

准留一子四五子者准留一二子餘者送京

挑選或有殘疾不能赴選准其奏明若非應

奏職員准呈明該管大臣轉奏如託故規避

一經查出將捏報人員照例議處例載處分則例戶口

門至挑取拜唐阿大臣官員子弟內何人送
挑何人未送之處各該旗確查咨報值年旗
彙總奏

聞

挑補弓匠

一弓匠及弓匠頭目缺出除鑲黃正黃正白三旗屬武備院管轄下五旗屬該王公等管轄者仍聽各該處挑補如係移入公中佐領下弓匠之缺該固山達報明都統於該佐領下另戶馬甲養育兵閒散內挑補弓匠頭目於弓匠內挑補咨明兵部覈辦

挑補鐵匠

一、鐵匠缺出於發遣減等回京人犯及印契所
買家人一併挑補若係孤孀貧苦人等並無
家人者准借伊親戚家人挑補其鐵匠著役
後不准另挑別項差使該管大臣官員等秉
公甄別平常者食一兩錢糧稍優者作爲三
等給與二兩錢糧更優者作爲二等給與三
兩錢糧超等者作爲一等給與四兩錢糧米
石照銀數添給

挑補礮手

一食三兩錢糧礮手缺出於食二兩錢糧礮手
內挑補食二兩錢糧礮手缺出於礮手子弟
內挑補遇演放礮位時令其帶領子弟學習
演放

挑補擡鹿角兵

一擡鹿角兵缺出於各該旗養育兵步軍閒散
內擇其漢仗好能行走者挑補

挑補護軍前鋒馬甲等缺卽閒散等皆准一

體行名

嘉慶十四年四月內奉

上諭據裕瑞奏八旗挑取各項差使或坐補有米養育兵缺後方准行名挑補或不論閒散及無米養育兵一概行名之處請旨等語八旗挑取護軍前鋒馬甲等缺理應揀選騎射技藝挑補不應照挑取養育兵例惟計家口之多寡是以定例凡遇挑取護軍前鋒馬甲等缺卽閒散等皆准一體挑選今八旗挑取各

項差使恐辦理未能盡一著交八旗都統副都統等
嗣後挑取護軍前鋒馬甲等缺著仍照舊例無論有
米養育兵無米養育兵及閒散等均准一體行名欽
此

善撲營不准挑取漢人

嘉慶十二年四月內奉

旨所有令善撲人等撲跌原係旗人演習技藝之一端向來善撲營將漢人亦挑取善撲已屬不合卽如巡捕營把總佟陞因係漢人業經降旨將伊善撲敎習開缺令在綠營當差嗣後善撲人等祇准於旗人內挑取其由漢人挑取之處著卽停止欽此

回民不准挑充步甲

嘉慶十八年八月內奉

諭御史王庭華奏請將步甲等缺改撥一萬挑補旗人一摺步軍統領所屬步甲等缺自漢軍步甲改撥九百餘名挑補旗人正身之後朕復降旨改撥二千名挑補八旗閒散原因此項額缺向係挑選旗下家奴乃近日旗下家奴與挑者僅十之二三甚至回民亦有充當步甲者翼尉奎亮於挑甲時不准回民承充自屬正辦步軍統領衙門轉刊刻告示曉諭回民

准其挑選殊屬不合著將出示之步軍統領等交兵
部察議欽此

均齊閒散

一各省駐防滿洲蒙古漢軍各旗分佐領內如有閒散多寡不一每屆五年或十年由各該將軍都統副都統等一律均齊并將均齊丁數照例題報如遇領催披甲等缺出卽在所齊旗分內挑補在京各旗遇有佐領下人數多寡不均者亦照此均齊辦理

分發當差人犯年滿挑差

一八旗輪發駐防省城當差人犯三年無過准其入於本處旗營挑差漢軍輪發駐防省分人犯照新疆種地人犯三年無過俱准其入於各該處綠營挑差

下五旗公中佐領人等准挑鑲黃正黃正白
三旗差使

一下五旗移入公中佐領之大臣官員子弟准
與鑲黃正黃正白三旗人一體挑取侍衛及
拜唐阿等差使

挑甲定限

一每月初十日以前所出甲兵之缺於本月錢糧冊檔未經過部之前挑補一併造冊送部其在初十日以後所出之缺於下月初十日以前挑補如在初十日以前所出之缺遲延不報及呈報後該管官不卽挑補或已挑補不趕造入冊送部者查出叅奏將該佐領騎
騎校并叅領副叅領分別議處例載處分則期門一披甲及養育兵缺出遺漏不行呈報挑補者

將該佐領驍騎校并參領副參領分別議處

例載處分則
例限期門

挑補各項錢糧查旗御史秉公查覈

道光元年十一月內奉

上諭昨據八旗都統等會議清查八旗抱養章程已降旨照議辦理矣因思各旗設有查旗御史有本旗挑補各項錢糧一應戶口年歲冊籍均有稽察之責現經議定章程嗣後著查旗御史於挑缺之時秉公查覈如有情弊該御史卽行指名叅奏倘扶同徇隱一經發覺定將該都統副都統及查旗御史一併懲處不貸欽此

挑差不到

一、八旗甲兵閒散人等揀選拜唐阿等項差使
如臨期遲誤不到者交該旗鞭六十將派送
揀選之員并失察之佐領驍騎校參領副參
領分別議處例載處分別
例營伍門

稽察挑補甲兵

一八旗挑補甲兵將所挑人名造冊送查旗御
史與戶口原冊校對如有不符該御史卽行
叅奏將承辦錯誤之造冊官並該管大臣分
別議處例載處分則
例管伍門

造報兵數

一八旗滿洲蒙古漢軍包衣兵丁數目各該旗
於年終分晰造冊送部查覈

看守城門兵數

一城外八旗新營房每旗滿洲派兵一百二十
名蒙古漢軍各派兵四十名攜家居住五日
一次輪班看守城門每班兵五十名官馬每
旗二匹其看守兵丁崇文門係正藍旗宣武
門係鑲藍旗朝陽門係鑲白旗阜成門係鑲
紅旗東直門係正白旗西直門係正紅旗安
定門係鑲黃旗德勝門係正黃旗

正陽門兩旁城門卽於看守各城門兵丁內每旗

派兵十名按翼看守十日一次更換每日接
翼各派兵十名於城門週圍巡查匪類夜間
在城門班房值宿若兵丁等有該班不到者
卽行查出治罪

看守

禁城及倉庫各館官兵

一

大清門

長安左門

長安右門

天安門

端門各派護軍參領一員護軍校二員委署護軍

校二員護軍十六名

一

關左門派司鑰長一員護軍校一員委署護軍校
一員護軍八名

關右門派護軍參領一員護軍校一員委署護軍
校一員護軍八名共自西匝東堆撥十六處
各派護軍參領一員護軍校一員委署護軍
校一員護軍八名

一

東華門北柵欄

西華門北柵欄

神武門東西二柵欄各派護軍叅領一員護軍校

一員委署護軍校一員護軍八名

以上係下五旗護軍營輪流看守每旗各進班二日

一

午門東門派護軍叅領一員護軍校二員委署護

軍校一員護軍十二名看牌護軍二名

一

午門西門派護軍校二員委署護軍校一員護軍

十二名

一

東華門

西華門

神武門各派護軍參領一員護軍校二員委署護
軍校二員護軍十六名看牌護軍二名

一

午門柵欄派委署護軍校一員護軍九名

一

東華門柵欄

西華門柵欄

神武門柵欄

北上門各派護軍校一員委署護軍校一員護軍

八名

一

太和東門

軍八名

太和西門各派親軍校一員委署親軍校一員親

協和門

熙和門

昭德門

貞度門

體仁閣

弘義閣各派護軍校一員委署護軍校一員護軍

八名

左翼門

右翼門各派護軍叅領一員護軍校一員委署護
軍校一員護軍八名看牌護軍二名

一

中左門派護軍叅領一員護軍校一員委署護軍
校一員護軍八名看牌護軍二名

一

中右門派前鋒叅領一員前鋒校一員委署前鋒
校一員前鋒八名看牌護軍二名

後左門

後右門各派護軍叅領一員護軍校二員委署發
軍校一員筆帖式一員護軍十二名看牌護
軍一名

內東庫

內西庫各派委署護軍校一員護軍四名

景運門派護軍統領一員司鑰長一員護軍校二
員委署護軍校二員筆帖式二員護軍十六
名看牌護軍六名

隆宗門派隨同辦事護軍叅領一員護軍叅領一
員護軍校二員委署護軍校二員筆帖式一
員護軍十六名看牌護軍一名

景運門夜籌

隆宗門夜籌各派護軍校一員委署護軍校一員

護軍八名

景運門檔房派委署六品頂帶主事一員

一

蒼震門派護軍叅領一員護軍校二員委署護軍
校一員護軍十二名看牌護軍二名

一

吉祥門派護軍叅領一員護軍校一員委署護軍
校一員護軍八名

一

欣祥門派護軍叅領一員護軍校二員委署護軍

校一員護軍十二名看牌護軍一名

一

寧壽宮門

皇極門

斂福門

錫慶門

保泰門

履順門

蹈和門

茶膳門

寧壽宮東北角西北角各派護軍參領一員護軍校

一員委署護軍校一員護軍八名

一

康宮西北門派護軍參領一員護軍校一員委署

護軍校一員護軍八名西堆撥派護軍校一

員委署護軍校一員護軍八名西南門派護

軍叅領一員護軍校一員委署護軍校一員

護軍八名

一

文華殿

茶膳房各派護軍叅領一員護軍校一員委署護
軍校一員護軍八名

一

箭亭

奉先殿角堆撥及

大宮東北角堆撥

外銀庫門

中正殿角堆撥及後鐵門各派護軍校一員委署
護軍校一員護軍八名

一

大宮西北角堆撥

內銀庫門各派護軍衆領一員護軍校一員委署
護軍校一員護軍八名

一火班派委署護軍校一員護軍七名

以上係鑲黃正黃正白三旗護軍營輪流
看守每旗各進班三日至下五旗公中佐
領下人應在鑲黃正黃正白三旗當差者
除景運 隆宗 蒼震 敬祥 中左

右後左右等門及內東西兩庫不該班
外其餘各宮殿亭閣門堆棊柵欄等處
均附入鑲黃正黃正白三旗一體該班

一

壽康宮正門派侍衛班領一員侍衛十員看守

一

壽康宮左門右門各派包衣護軍參領一員護軍校

一員護軍九名

慈祥門

永康左門右門各派包衣護軍校一員護軍九名

一

三所正門派包衣護軍叅領一員護軍校一員護

軍九名

文淵閣後如意門派包衣暫委護軍叅領一員藍

翎長一員護軍八名

寧壽宮後東北角門西北角門各派包衣暫委護軍
參領一員藍翎長一員護軍七名

貞順門派包衣護軍參領一員護軍校一員護軍
九名

順貞門派包衣護軍統領一員司鑰長一員護軍
參領一員護軍校二員護軍十四名西鐵門

派包衣護軍校一員委署護軍校一員護軍
八名

以上壽康宮正門原係內務府鑲黃
正黃正白護軍營看守於嘉慶四年九月
內奉旨改派侍衛其餘仍係包衣
三旗護軍營輪流看守每旗各進班二日

一

阿哥所派包衣章京一員領催一名兵四名

一

三所左右門及

育喜房各派包衣領催一名兵九名

城安門迤北造辦處南門磁庫東銀匠房四局各

派包衣章京一員領催二名兵四名

一

武英殿

壽安門

南薰殿各派包衣章京一員領催二名兵五名

一

御書處

衣服庫肉庫西長房及

養心殿錢糧處造辦處東門南府錢糧處各派包

衣領催一名兵四名

一鰲山庫派領催一名兵三名

以上係包衣三旗驍騎營輪流看守每旗各選班二日

一戶部銀庫派鑲黃正黃正白旗官二員兵二十名後門派官一員兵十名輪班看守

一戶部顏料庫派鑲黃正黃正白旗官八員兵

四十二名輪班看守

一戶部帳庫派鑄黃正黃正白旗官四員兵

五十名輪班看守

一工部製造庫派正紅旗官一員兵五名輪班

看守

一工部節慎庫派鑄紅旗官一員兵二十名輪

班看守

一光祿寺銀庫派正藍旗官一員兵十名輪班

看守

一太常寺庫派鑄藍旗官一員兵九名輪班看

守

一刑部職罰庫派鑲藍旗官一員兵十名輪班
看守

一理藩院庫派正藍旗官二員兵十名輪班看
守

一硝磺庫派正紅旗官一員兵二十名輪班看

守

一宗人府庫派鑲白旗官二員兵二十名輪班

看守

一海運倉派鑲黃鑲藍旗官二員兵四十八名
輪班看守

一北新倉派正黃鑲白旗官二員兵四十名輪
班看守

一舊太倉派正白鑲藍旗官二員兵四十名輪
班看守

一興平倉派正紅鑲紅旗官三員兵四十名輪
班看守

一南新倉派鑲白旗官二員兵四十名輪班看

守

一富新倉派鑲紅旗官四員兵四十名輪班看
守

一祿米倉派正紅正藍旗官二員兵三十五名
輪班看守

一戶部火倉派正白旗官一員兵八名輪班看
守

以上各倉庫係各該旗
輪替揀派官兵看守

一通州中西兩倉派八旗首領官一員章京四

員兵一百七十名看守

一本裕倉派八旗章京三員兵六十名看守

以上係由京各該旗派撥

一鴻臚寺衙門龍亭派正紅旗兵八名看守

一喀爾喀館派正白旗官二員兵十名看守館
門派正藍旗官一員兵十名看守

一

圓明園當月衙門左翼派正藍旗兵六名右翼派

正紅旗兵六名

一宗人府空房派正和旗漢軍鑲紅旗滿洲漢

軍鑲白旗滿洲鑲藍旗滿洲蒙古漢軍官一

員帶領本旗兵十六名五日一換輪班看守

一禮部

冊

寶派正藍旗官二員鑲藍旗兵二十名看守

一工部濯靈殿八旗漢軍派官一員兵五名看
守

一鑾儀衛內庫外庫派八旗官一員兵十名輪

班看守

一俄羅斯館於俄羅斯到日八旗滿洲蒙古共
設班房十六處每四處派叅領一員每一處
派章京一員兵十五名看守護軍營設班房
八處鑲黃正黃正白三旗每旗派護軍叅領
一員護軍校二員委署護軍校二員護軍二
十六名下五旗每旗派護軍叅領一員護軍
校三員委署護軍校三員護軍二十四名看
守遇俄羅斯出館每一名兩旗護軍內各派

一名押護管轉館門輪派驥騎叅領一員護
軍叅領一員護軍校一員委署護軍校一員
馬甲二十名護軍八名看守俟去日撤回

一後黃寺於蒙古使臣及喇嘛使者到日八旗
滿洲蒙古輪派章京一員兵十名看守俟去
日撤回

一看守倉庫兵丁該旗道具年貌清冊交該班
官員照冊查對該管大臣親赴查察仍派員
不時稽察如有曠班雇替情弊查出奏將

不行查出之該班官員照例議處

則載處分則倉庫

門兵丁治罪倘別經發覺將該管大臣照例

議處

則載處分則倉庫門

一看守各館官兵該管大臣官員不時稽察如

有曠班者查出叅奏係職官照例議處

則載處分則倉庫

則例禁衛門係兵丁鞭五十

着守

禁門官兵

景運門令鑲黃正黃正白三旗司鑰長輪班專司
看守

隆宗門

敬祥門

後左門

東華門

西華門

神武門

午門由鑲黃正黃正白三旗護軍統領於諸練事務之正副護軍叅領內每門每旗揀選二員

帶領引

見補放令其輪班看守除本叅領事務外一切別差免其兼理其護軍校護軍等由該三旗護軍統領揀派俟三年期滿更換

看守大柵欄官兵

東華門

西華門外大柵欄護軍營派章京一員護軍校一

員護軍十九名

由下五旗護軍營輪流進班二日

前鋒營派

官一員藍翎長一員前鋒十九名

由左右兩翼前鋒營輪流進班二日

輪流進班二日

看守

雍和宮官兵

雍和宮堆撥派驍騎營官八員兵八十名五日輪替更換值班之旗仍派副叅領一員每日稽察收掌鑰匙該管大臣不時稽察

看守

圓明園堆撥官兵

一

圓明園週圍堆撥鑲黃正黃正白正紅鑲白鑲紅
鑲藍等七旗每旗各九處正藍旗八處每旗
派參領各一員每處派護軍校各一員護軍
各九名

正宮門輪派八旗護軍參領一員護軍校二員護
軍十二名

東翼門輪派左翼護軍參領一員護軍校一員護

軍十三名

西翼門輪派右翼護軍參領一員護軍校一員護

軍十三名

茶房外門輪派左翼護軍五名

膳房外門輪派右翼護軍五名

肉庫外門派鑲藍旗護軍五名

福園門輪派八旗護軍參領一員派正藍旗護軍

校二員護軍十八名

西南門輪派包衣三旗護軍叅領一員護軍校二員護軍十八名

西磚門派鑲藍旗護軍校一員護軍九名

西北門派正紅旗護軍校一員護軍九名

北樓門東邊派正黃旗護軍校一員護軍九名

北樓門西邊輪派包衣三旗護軍叅領一員護軍

校一員護軍九名每班每翼輪派營總各一

員左翼在南磚門進班右翼在

藻園門進班每翼輪派護軍叅領各一員左翼在

金人正本卷三十一
東北角進班右翼在西北角進班

一

圓明園大牆外堆撥鑲黃正白鑲白鑲紅等四旗
每旗各三處正黃正紅正藍鑲藍等四旗每
旗各二處每處派護軍校各一員護軍各九
名每班輪派八旗護軍叅領二員

一

長春園遇圍堆撥鑲黃正黃二旗各三處正白正
紅鑲白鑲紅正藍鑲藍等六旗每旗各二處

每處派護軍校各一員護軍各九名

東翼門派正白旗護軍校一員護軍九名

西翼門派鑲藍旗護軍校一員護軍九名

北招子門輪派八旗護軍五名每班輪派護軍參

領一員在

大東門進班每翼輪派八旗護軍參領各二員此

參領內二員在兩

翼門進班二員在東北角西北角進班

一

熙春園內堆撥一處派鑲紅旗護軍校一員護軍

九名

宮門堆撥一處輪派八旗護軍叅領一員派鑲白旗護軍校一員護軍九名

一

綺春園內堆撥十二處每處輪派八旗護軍校各

一員護軍各九名每班輪派八旗護軍叅領二員

綺春園外週圍堆撥鑲黃正黃正紅鑲白鑲紅正

藍等六旗每旗各二處鑲藍旗一處每處派

護軍校各一員護軍各四名

東翼門輪派左翼護軍校一員護軍九名

西翼門輪派右翼護軍校一員護軍九名每班輪

派八旗護軍參領一員

西宮門輪派包衣三旗護軍參領一員護軍校一

員護軍九名

一太平杆門輪派包衣三旗護軍校一員護軍

四名

看印處輪派八旗護軍校一員護軍四名

以上各處堆撥係一圓明圓八旗官兵輪流看守四日一換其包衣官兵二日一換

一恭遇

皇上臨幸

靜宜園內圍進班堆撥鑲黃正黃正白鑲白正紅等五旗各四處鑲紅二處正藍三處每處派前鋒校一員前鋒九名分管前鋒叅領五員外圍堆撥鑲黃正黃正白正藍等四旗各六處正紅鑲白各四處鑲紅八處鑲藍十二處每處派前鋒校一員前鋒九名分管前鋒叅

領二十三員

靜宜園正門八旗輪派前鋒叅領一員前鋒校一
員前鋒九名如恭遇

皇上臨幸該班官兵撤回在通碧雲寺之門進班

一健銳營印房八旗輪派前鋒叅領一員前鋒

校一員前鋒九名看守

以上各處堆擣係健銳營八旗官兵輪流看守一日一換

看守昆明湖堆撥官兵

一昆明湖舊設堆撥十六座派兵九十六名頭目四名新設堆撥十六座派兵九十六名頭目四名均分爲兩班輪流看守每班派効力世襲騎都尉等官二員外委五員仍令該管各汎守備稽查

行宮設立堆撥

乾隆五十七年三月內奉

旨朕昨日駐蹕臺麓寺行宮因北垣外並未設堆撥亦未傳籌將管理行營之前鋒統領護軍統領及總理行營事務之王大臣等分別議處以示懲戒矣朕辦事五十餘年加恩衆庶天下太平卽朕夤夜獨行亦復何虞獨是衆多臣僕隨君出狩竟不設堆撥不行傳籌有是理乎將來子孫或亦有巡幸各處者嗣後凡駐蹕之處牆垣週圍不設堆撥不行傳籌必至舊

制廢弛不成事體著每次行圍時令管理行營事務處及護軍統領等務將此旨宣示一次欽此

城上堆擾

嘉慶十六年五月內奉

上諭軍機大臣慶桂等議奏城班章程一摺所議俱是
京師城垣守衛舊制本極周詳祇因日久廢弛以致
該兵丁等包班舞弊而該管之大臣視爲具文並不
認真查察殊墮舊制經此番申明定例分別責成加
以鈐束章程已爲嚴密各該大臣等務當督飭官兵
實力逆行勿再姑息終情方於守衛有益嗣後該都
統副都統等並著於本管官兵值班之時輪流親往

審查不必約會時日使該班官兵常存畏忌庶免懈弛滋獎設該都統副都統等查有包班曠玩等情惟當據實嚴叅勿稍瞻徇其失察之咎轉可寬免摺內著毋庸自請處分慎勿仍前疎慢因循致干咎戾餘依議欽此

一城上該班官兵八旗驍騎營滿洲蒙古漢軍每旗共安設堆撥十五座派官十員兵一百五十名步軍營安設馬道柵欄三十八座共派官二十員兵一百九十名輪番派往該班

五日其所派官兵於各該旗營內輪流更換
務令親身進班不得頂名雇替其馬道柵欄
鎖鑰卽交本地面步軍校司掌每逢換班日
期各旗派叅領或副叅領一員將輪接城班
之官兵親身帶往仍將每五日派出城上馬
道柵欄官兵花名年貌造具清冊交各該旗
營該班官員先期徑送兵部查覈由兵部輸
派司員攜帶花名清冊眼同各該處掌鑰官
按冊分別點驗如該班兵丁內有年貌不符

及老疾充數私行雇替並不親身到班者將

兵丁糧六十專管官並該管大臣分別議處

例載處分則
例禁衛門

至有軍器不全等弊專管官並

該管上司分別議處

例載處分則
例禁衛門

兵丁糧七

十軍器照數分賠

都統副都統等每月查城次數

嘉慶十六年十二月內奉

旨京都內城九門城垣分段安設堆撥輪派八旗官兵
駐守巡邏全在統轄大員認真稽查方不致日久懈
弛嗣後除親王郡王御前大臣軍機大臣領侍衛內
大臣兼都統者或軍機大臣內有兼副都統者均無
庸上城巡查外所有各旗都統副都統無論內廷行
走及兼管事務繁多之員均著上城巡查都統每月
上城二次副都統每月上城三次不必預定日期隨

時親往密查並著步軍統領衙門飭知管理馬道官員隨時具報該衙門每月彙奏一次如有曠誤不到者據實叅奏其各旗叅領著每月上城六次輪流派查不必在城住宿欽此

城上堆撥按期稽察

嘉慶十七年三月內奉

上年因京都內城九門各城上堆撥官兵曠誤班期
特定章程令各旗都統副都統叅領等每月分次查
城並交步軍統領按月查明彙奏以憑稽考自上年
十二月初四日起兩屆奏報均無曠班之人此次據
吉綸等查奏副都統叅領內有曠班一次二次者未
免漸萌怠惰不可不予以處分所有此次查城不到
之副都統興肇華謄舒明阿均著交部察議其叅領

等著該旗查取職名交部一併察議嗣後如有三次不到者卽著交部議處若再曠誤多次併當交部嚴加議處該都統等務當按期上城認真稽察毋得日久生懈視爲具文欽此

一各旗都統副都統叅領每月分次巡查仍交步軍統領衙門按月查明彙奏以憑稽考如都統副都統叅領等有三次曠誤不到者照

例議處

例載處
禁衛門
分別

街道堆撥

一恭遇

聖駕巡幸行圍兵部行文八旗每滿洲蒙古漢軍於
街道上合添堆撥十座

正陽門內添設堆撥一座八旗輪流派往其餘各
門內該旗添設堆撥各一座每座派章京或
驥騎校共二員兵十名看守該旗派出叅領
等稽察至

禁城內外緊要地方應添堆撥於各該旗地而堆

撥內酌撥步甲添置安設每旗派步軍協尉
一員值班巡查堆撥柵欄官兵捕盜章京等
亦嚴加巡查其前三門外巡捕營叅將遊擊
各率領該營都司守備千把坐班看守外再
將八旗步軍編設二十堆撥在營兵堆撥兩
間處添置夜間送籌派步軍校十六員輪班
管轄步軍協尉四員輪流稽查其餘各門外
都司守備在各該門外鴛橋處坐班千把等
官在關廂處坐嚴加看守俟

皇上回鑾時撤回

一每年封印日起至開印日止兵部行文八旗
於

正陽門內添設堆撥一座八旗輪流派往其餘各
門內該旗添設堆撥各一座街道上各三旗
合添堆撥十座每座派章京或驍騎校共三
員兵十名嚴加看守派叅領稽察

一看守城門街道官兵兵部不時稽察如有曠
班及車器不全等弊指名題參

稽資堆撥

一八旗堆撥由各該旗特行派出派官員管轄由步軍統領衙門再交附近堆撥之步軍校等管束仍令協尉等不時稽查

齋宮值班官兵

一恭遇

駕臨

齋宮其

齋宮

外正門

內正門各派侍衛班領二員侍衛二十員

內東角門

內西角門各派侍衛班領一員委署侍衛班領一

員侍衛十員守門週圍四角堆撥四處每處
各派侍衛什長一員侍衛十員於日暮進班
值守堆汎

御前侍衛日間在

殿左門

乾清門侍衛日間在

殿右門值班至日暮在

殿左門值守堆汎領侍衛內大臣散秩大臣等在

齋宮

外正門內左邊值班

齋宮

外東角門派護軍統領一員司鑰長一員護軍校

四員護軍十六名

外西角門派隨同辦事護軍叅領一員護軍叅領
一員護軍校四員護軍十六名值守堆汎週
圍堆撥十四處每二處合派護軍叅領一員
每處派護軍校一員護軍十名值守堆汎傳

遞更籌

王座門派司鑰長一員護軍叅領一員護軍校四

員護軍十六名值守堆汎

內西天門派隨同辦事護軍叅領一員護軍校領

一員護軍校四員護軍十六名值守堆汎

外西天門派護軍叅領二員護軍校四員護軍十

六名值守堆汎

外西天門大墻內週圍派護軍值堆

外西天門大墻外週圍派綠旗兵值堆所需兵丁

交與步軍統領酌派

壇內交派出巡查大臣巡查管理

神樂觀過圍派護軍衆領護軍校護軍等查管
皇上出入三座門時門內派侍衛看管侍立門外派
護軍衆領護軍校護軍等看管侍立

派撥官兵具奏

雍正八年三月內奉

上諭嗣後凡有派委驍騎營官兵看守之處俱著奏聞
再令看守若應行看守之處有不可稍緩者卽派令
看守再行具奏將此遍行傳諭特諭欽此

八旗火班

一 八旗火班八處每處或都統或副都統一員
由滿洲蒙古漢軍三旗輪派該班每班派參
領二員滿洲蒙古漢軍三旗輪班派往滿洲
漢軍各該班五日蒙古該班二日其所需章
京甲兵滿洲每班派章京四員領催四名馬
甲三十五名蒙古每班派章京一員領催一
名馬甲十三名漢軍每班派章京三員領催一
三名馬甲二十四名俱五日一班輪替更換

每處火班滿洲蒙古漢軍三旗共派大臣一員叅領二員章京八員領催八名馬甲七十二名拴馬十四撒袋三十副并佩帶腰刀等項遇有救火之事該班大臣卽於該班官兵內帶領一半佩帶軍器前赴失火處將閒散人等不許在就近街道中站立行走其餘一半官兵仍留該班處備用其該火班大臣不令稽察他處如大臣內有出差兼別職及患病等事不能進班者卽令所餘大臣輪流該

班不准以官員代替如止剩大臣一二員不
敷進班之數卽在叅領或男爵以上官員內
揀選一員令其暫替俟大臣足數進班時將
替班官員撤回其該班之官兵等俱令大臣
及叅領不時稽察如有曠誤係職官照例議
處例載處分則
火禁門 係兵丁鞭五十失察之該班
大臣官員各照例議處例載處分則
火禁門

一凡遇失火之事該地方步軍卽通報就近該
火班之大臣等如係東南失火正藍鑊白二

旗往救西南失火鑲藍鑲紅二旗往救東北
失火鑲黃正白二旗往救西北失火正黃正
紅二旗往救若係

禁城之內每翼兩旗往救

赴敎場挑選官兵

一八旗官兵缺出該都統副都統等卽按限定期前赴本旗敎場或侍衛敎場內公同商酌揀選挑取仍先知會查旗御史如有逾期或不往敎場公同挑取者該御史卽指名叅奏照例議處例載處分則營伍門

嚴禁私役兵丁

嘉慶七年七月內奉

上諭據伯麟叅奏防禦巴延善私役旗兵致令脫逃一
摺防禦有訓練約束兵丁之責巴延善輒敢私差馬
甲慶福離營遠出致送禮物以致該兵丁乘間逃走
實屬不職巴延善著卽革職馬甲慶福嚴拿務獲並
著通飭各省駐防及營伍官員務須恪遵功令勤慎
操防不得以私事摺役兵丁有乖職守違者嚴懲不
貸欽此

將軍等挑取親丁

一各省將軍都統副都統隨從親丁止准在本城兵丁內挑取不得越城挑取如遇因公前往所屬各城卽將彼處兵丁暫行挑作親丁仍不准帶回本城

步軍統領等官私宅不准擅用步甲

一步軍統領衙門應用步甲二百十九名輪流
值日專管查街查夜繕寫文稿并看守衙署
其下班兵丁卽令各回本旗當差不得佔作
額缺至各該官員私宅一概不准擅用